

АКАФИСТ
ПРЕПОДОБНОМУ БЛАГОВЕРНОМУ КНЯЗЮ
ОЛЕГУ БРЯНСКОМУ

Кондак 1

Возбранный воеводо православных / и небесный заступниче
Брянския земли, / князей русских украшение и монахов похвало, /
обители первоверховных Апостол основателю и покровителю / и о
душах наших усердный молитвенниче, / благодарственная пения
приносим ти, глаголюще: / Радуйся, преподобне княже Олеже,
Брянский чудотворче.

Икос 1

Ангельския Силы радовахуся благочестию твоemu, княже Олеже,
еже измлада благодатию Божиею явил еси, благаго корене благая
отрасль быв. Мы же сорадуемся им и, яко Божия избранника,
восхваляем тя сице:

Радуйся, благочестивых родителей благословенный плод;
радуйся, яко память твоя почитается в род и род.
Радуйся, от юности Христа Бога тепле возлюбивый;
радуйся, в сердце обитель Святому Духу уготовивый.
Радуйся, богослужению усердно прилежавый;
радуйся, Словом Божиим душу свою питаваый.
Радуйся, преподобне княже Олеже, Брянский чудотворче.

Кондак 2

Видя и слыша праведное житие благоверных сродников твоих,
Черниговских князей Николы Святоши и Игоря страсотерпца,
мученика Михаила и родителя твоего Романа, еще же и дщере
Михайловы преподобныя Евфросинии Суздальския, потщался еси,
святые Олеже, подражати им, воспевая Богу: Аллилуиа.

Икос 2

Разум богопросвещенный от юности стяжав, благоверне княже
Олеже, не прельстился еси суетною славою княжения земнаго,
почитая сие яко сугубое служение людем Божиим, врученным
попечению твоemu. Сего ради прими от нас сицевая:

Радуйся, любовью о Христе исполвивыйся;
радуйся, отец чадолюбивый людем явивыйся.
Радуйся, печальных благий утешителю;
радуйся, в бедах сущим предстателю.
Радуйся, нищих и убогих питаелю;
радуйся, вдов и сирот покровителю.
Радуйся, преподобне княже Олеже, Брянский чудотворче.

Кондак 3

Силою Духа Святаго укрепляемь, блаженне княже Олеже, в мире сем живя, соблазнов его удалялся еси, уединенно в вертограде родителей твоих водворяяся; темже и утверждению веры православныя ревнуя, первую в земли Брянстей обитель во имя святых апостол Петра и Павла основал еси, да иноцы ея непрестанно воспевают Богу: Аллилуиа.

Икос 3

Имея богоприятное желание от суеты мирския удалиться, укрепился еси в нем, егда иноцы созданныя тобою обители вкупе с Печерскими принесоша от Киева чудотворную икону Богоматере, моления ради недугующаго родителя твоего. Темже ублажающе изволение твое, вопием ти тако:

Радуйся, узкий путь Христов возлюбивый;
радуйся, богатство и славу мира возненавидевый.
Радуйся, рuce на рало Господне возложивый;
радуйся, вспять лица твоего николиже обративый.
Радуйся, Отечества Горняго достигнути возжелевый;
радуйся, княжескую диадиму ради Небесного венца оставивый.
Радуйся, преподобне княже Олеже, Брянский чудотворче.

Кондак 4

Бурею напастей колеблемо отечество твое зря, княже Олеже, агаряны и зловерными разоряемо, еще же и междоусобными бранями терзаемо, щитом веры православныя оградився, и мечем молитвы вооружився, на враги изшел еси, поя Спасителю Богу: Аллилуиа.

Икос 4

Слышав отца твоего, благовернаго князя Романа, во благодарение за исцеление обитель Свенскую основавшего и вся, елики виде прозревшима очима, земли ей даровавшего, себе самаго в жертву Богу принесл еси, святе Олеже, и во обитель сию вселился еси. Сего ради воспеваем тя сие:

Радуйся, вземый крест свой и Христу последовавый;
радуйся, земныя почести ни во чтоже вменивый.
Радуйся, по заповеди Христовой смиривыйся;
радуйся, господин быв и служитель всем соделавыйся.
Радуйся, лютотрудное житие избравый;
радуйся, в посте и молитвах пребывавый.
Радуйся, преподобне княже Олеже, Брянский чудотворче.

Кондак 5

Боготечней звездe уподобился еси, преподобне Олеже, егда от чертога княжеска во обитель первоверховных Апостол, яко в чертог

Небѣснаго Жениха, прешѣл еси, о благостоянии Святыя Цѣркве, благоустроении отечества и спасении душ врученных ти Богом людей усердно моляся и со умилением поя: Аллилуиа.

Икос 5

Видевше боголюбивии людие града Брянска праведное житие твоё, Олеже богоносне, попремногу чествоваху щедроты и подвиги твоя. Ты же смиренномудренно благодарение Богу приносил еси, сего ради и Той тя прослави и научи верныя воспевати тако:

Радуйся, дух правыя веры укрепляяй;
радуйся, ревность по Бозе возгреваяй.
Радуйся, деянию богомыслие приложивый;
радуйся, тщеславие и гордыню сокрушивый.
Радуйся, древним отцем единокровный;
радуйся, Богом и людьми возлюбленный.
Радуйся, преподобне княже Олеже, Брянский чудотворче.

Кондак 6

Проповедник веры православныя и ревнитель благочестия словом и житием был еси, богоблаженне княже Олеже, едином бо желанием, подобно прадеду твоему равноапостольному князю Владимиру, горел еси, да вси людие земли твоя присвоятся Христу и вкупе с тобою воспевают Ему: Аллилуиа.

Икос 6

Возсиял еси в дѣбрех, град Брянск окрест облажащих, яко утренняя заря, и яко звезды небесныя, озариша землю нашу добродетели твоя, иже и ныне просвещаети немолчно воспевающих тя сими похвальными словесы:

Радуйся, во Свете невечернем пребываяй;
радуйся, души наша чудесы просвещаяй.
Радуйся, столпе огненный в пустыни греха блуждающим;
радуйся, путеводная звездо на Небо шествующим.
Радуйся, нетлением телес от Бога почтенный;
радуйся, благодатию Христовою облеченный.
Радуйся, преподобне княже Олеже, Брянский чудотворче.

Кондак 7

Хотяй подвигом добрым подвизатися и веру православную соблюсти, преподобне отче Олеже, от силы в силу шествовал еси, укрепляя ум чтением Божественных словес и житий святых, иже подражая, добродетели твоя сокрыти от человек тщался еси, воспевая Сердцеведцу Богу: Аллилуиа.

Икос 7

Но́ваго ты чудотво́рца яви́ Госпо́дь в землі Ру́сской, Олёже всече́стне, тобо́ю святу́ю правосла́вную ве́ру во гра́де Бря́нске утвержда́я, и́же све́тло красу́ется, имѣя́ ты Небе́снаго засту́пника и предста́теля ко Го́споду, и с любо́вию ты взыва́ет:

Ра́дуйся, Правосла́вныя Цѣркве во́ине добропобѣ́днѣй;
ра́дуйся, Руси́ святы́я моли́твенниче крѣ́пкѣй.
Ра́дуйся, землі Бря́нския храни́телю;
ра́дуйся, Петропавловския оби́тели огражде́ние.
Ра́дуйся, ересѣ́й и раско́лов разори́телю;
ра́дуйся, душ и телѣ́с наших цели́телю.
Ра́дуйся, преподо́бне кня́же Олё́же, Бря́нскѣй чудотво́рче.

Конда́к 8

Стра́нно и дѣ́ивно бысть жити́е твоѣ́, о́тче наш Олё́же, во оби́тели, егда́ игу́мен быв, преподо́бному Феодо́сию Кі́ево-Пече́рскому подража́л еси́ и о́браз бра́тии в подви́жнических труда́х явля́л еси́, вся послуша́ния неле́нотно исполня́я, во вре́тище одева́яся, вма́ле на дре́вяне ло́жи поко́й имѣя́, па́че же на вся́къ час неуста́нно вопи́я Бо́гу: Аллилу́иа.

И́кос 8

Вся́ земля́ Бря́нская ра́достью духо́вною подви́жесе́, егда́ святы́я мо́щи тво́я, достохва́льне кня́же Олё́же, многоле́тне во вре́мя гоне́ний богобо́рческих под спу́дом во оби́тели твоѣ́й храни́мыя, па́ки яви́ Госпо́дь ве́рным лю́дем Сво́им, вопи́ющим ти тако́вая:

Ра́дуйся, се́тей тлетво́рнаго греха́ избежа́вый;
ра́дуйся, безстра́стием ду́шу украси́вый.
Ра́дуйся, я́ко мо́щи тво́я во укреплѣ́ние ве́ры нам оста́вивый;
ра́дуйся, освяще́ние притека́ющим к ним подава́яй.
Ра́дуйся, в ме́ртвенном телеси́ жизнь благода́тную явля́яй;
ра́дуйся, от мо́щей твои́х чуде́са источа́яй.
Ра́дуйся, преподо́бне кня́же Олё́же, Бря́нскѣй чудотво́рче.

Конда́к 9

Вся́кое естество́ А́нгельское удиви́ся крѣ́пости души́ твоѣ́й, богому́дре Олё́же, ка́ко соверше́н хотя́ быти, бога́тство я́ве и та́йне расточи́л еси́ нужда́ющимся и, нището́ю духо́вною обогати́вся, ра́достно Христу́ Спаси́телю послѣ́довал еси́, по́я Тому́: Аллилу́иа.

И́кос 9

Ветѣ́йство челове́ческое не довлѣ́ет по досто́янию восхва́лити труда́, боле́зни и по́двиги тво́я, сла́вне кня́же Олё́же, я́же спасѣ́ния ра́ди душе́внаго подъя́л еси́, чрез все́ жити́е неосла́бно плоть распина́я со страстьми́ и похотьми́. Мы́ же от простоты́ се́рдца любо́вию ублажа́ем ты́ си́це:

Ра́дуйся, во плóти áки безплóтен на землі поживый;
ра́дуйся, струями слéзными огонь страстéй угасивый.
Ра́дуйся, терпéнием и крóтостию дiавола победивый;
ра́дуйся, нищетóю духóвною одéжду нетлéния стяжавый.
Ра́дуйся, силу Воскресéния Христо́ва от мощéй твои́х проявляяй;
ра́дуйся, зарю́ о́бщаго воскресéния нетлéнием мощéй показуяй.
Ра́дуйся, преподóбне княже Олéже, Бря́нский чудотворче.

Конда́к 10

Спасти́ся душáм нáшим моли́ Человеколю́бца Бо́га, свя́те Олéже, к тебе́ бо по Бо́зе и Пресвяте́й Богоро́дице усéрдно прибега́ем, я́ко ско́рому помо́шнику и тёплому ходатаю о землi Бря́нстей и о всех православно в ней живу́щих и воспева́ющих Го́споду: Аллилу́иа.

И́кос 10

Стена́ тверда́ и покрóв изряден был еси́ в жити́и твоём ино́ком обителi твоея́: о́ваго у́бо отéчески назидая́, о́ваго крóтце обличая́, ины́я же с любóвию увеща́вая, нéких страхом спаса́я, наипáче же пред кончи́ною твоею́ вся ко спасéнию потребна́я заповедал еси́ им. Те́мже и нас грéшных упаси́, да с любóвию зовём ти:

Ра́дуйся, словéсное ста́до от волко́в охраня́яй;
ра́дуйся, заблуждши́я о́вцы усéрдно взыску́яй.
Ра́дуйся, мечу́ Божий, душевредны́я стра́сти посеца́яй;
ра́дуйся, щито́м твои́х моли́тв нас огражда́яй.
Ра́дуйся, мона́хом в подвизех укрепле́ние;
ра́дуйся, всем ве́рным лю́дем помо́жение.
Ра́дуйся, преподóбне княже Олéже, Бря́нский чудотворче.

Конда́к 11

Пе́ние умиле́нное принёсл еси́ Пресвяте́й Тро́ице в час кончи́ны твоея́, досточóудне княже Олéже. Хвала́ Бо́гу благодéйствующу, — глаго́лал еси́, возле́жа на сме́ртном одре́, зрю́ уже́ брег мо́ря житейска́го, имже́ доселе́ ноша́шеся моя́ утлая ла́дия. И со словесы́ сими́ ра́достно прешёл еси́ во обителi Го́рняя, иде́же со А́нгельскими лики́ поёши́ песнь вели́кую: Аллилу́иа.

И́кос 11

Светоприе́мную свещу́, у́глем благодáти возжéнную, видéша ученицы́ лице́ твоё, уго́днице Божий, во свято́м преставле́нии свéтом Небéсным осия́нное. Сего́ ра́ди, скорбь́ разлучéния с тобо́ю дивным сим утешéнием раствори́вше, с трéпетом и ра́достию взира́ху на пречестны́я мо́щи твоя́ и отше́ствие твоё прослави́ша звáнии сими́:

Ра́дуйся, земно́е течéние достохвáльне скончавый;
ра́дуйся, по трудéх вре́менных поко́й ве́чный улучивый.
Ра́дуйся, венец безсме́ртныя жи́зни приёмый;

ра́дуйся, Престо́лу Вседержи́теля предсто́й.
Ра́дуйся, любви́ю твоёю нас не оставля́й;
ра́дуйся, чту́щая тя ми́лостивно посе́щай.
Ра́дуйся, преподо́бне кня́же Оле́же, Бря́нский чудотво́рче.

Конда́к 12

Благода́ть, да́нную ти, о́тче наш Оле́же, и ве́лие твоё дерзнове́ние пред Бо́гом ве́дуще, приле́жно мо́лим тя: моли́ Ми́лостиваго Бо́га, да сохра́нит Святу́ю Це́рковь от ересей, раско́лов и нестро́ений, оте́честву на́шему мир и благоде́нствие да да́рует, ве́рных же в Правосла́вии и единомы́слии да утверди́т, пою́щих Ему́: Аллилу́иа.

И́кос 12

Пою́ще дивное́ жити́е твоё и честное́ преставле́ние, богоно́сне о́тче Оле́же, чтим святу́ю па́мь твою́, я́ко Небе́снаго предста́теля и засту́пника, от Бо́га нам дарова́ннаго, и, припа́дающе к честны́м моще́м твои́м, прино́сим ти сицевы́я хвалы́:

Ра́дуйся, в жити́и сем Бо́гу угоди́вый;
ра́дуйся, Ца́рствие Небе́сное насле́дивый.
Ра́дуйся, я́ко с Го́рних высот на ны призира́еши;
ра́дуйся, я́ко град Бря́нск и оби́тель твою́ покрыва́еши.
Ра́дуйся, пределов оте́чества на́шего защи́тнице;
ра́дуйся, хри́столюбиво́му во́инству побо́рнице.
Ра́дуйся, преподо́бне кня́же Оле́же, Бря́нский чудотво́рче.

Конда́к 13

О свяще́нная главо́,/ преподо́бне благове́рне кня́же Оле́же,/ приими́ си́е ма́лое хвале́ние от недосто́йных ча́д твои́х,/ и моли́твами твои́ми богоприя́тными/ Правосла́вие в земли́ Ру́сской утверди́,/ град Бря́нск и оби́тель твою́ сохра́ни/ и душа́м на́шим спасе́ние испроси́,/ да с тобо́ю ны́не и во ве́ки воспева́ем Бо́гу:/ Аллилу́иа.

*МОЛИТВА ПРЕПОДОБНОМУ И БЛАГОВЕРНОМУ КНЯЗЮ
ОЛЕГУ БРЯНСКОМУ*

О, преподобне отче, благоверне княже Олеже, угодниче Христов усердный, молитвенниче ко Господу теплый, защитниче в бедах и утешителю в печалех неустанный! Воззри, преблаженне, милостиво на град твой и виждь чада твоя, смиренно ти припадающия и служить тебе хотящия. Не отвергни требующия твоея помощи, но яко благодетель и ходатай, моли присно Господа Бога и Спаса нашего Иисуса Христа, да благословит страну Российскую, в мире и благоверии ю сохраняя, грады умножая, достояние Свое соблюдая. Вознеси, богоносне отче наш, сие малое моление недостойных раб твоих Владыце Христу, да утвердит во Святей Православней Церкви живой дух правыя веры и любви, благочестие непоколебимо, любомудрие христопоследовательно, да дарует пастырям ревность попечения о спасении людей, во еже неверующая просветити, заблуждшия наставить, отпадшия обратити и привлещи. Изряднее же, да вся чада Церкви Православныя чисты сохранит от мирских искушений, похотей плотских, суемудрия, суеверий и наваждений вражеских. Ей, угодниче Божий, не презри нас, молящихся тебе, но помози нам скорым предстательством твоим, да всяких бед, напастей и скорбей в сей жизни временней избежавше, кончину непостыдну обретем, и тако на земли богоугодно поживше, жизни райския на небеси сподобимся, идеже вкупе с тобою прославим человеколюбие и щедроты в Троице славимаго Бога, Отца и Сына и Святаго Духа, во веки веков. Аминь.